

kontuola

KONTUOLA, Idolaz elkarte, ANTZUOLA. Kazarria: Marijo Deogracias **Maketazioa:** Iñaki Iturbe **Publizitatea:** Kristina Romero **Erredakzio kontseilua:** Miren Anduaga, Gotzon Iparragirre, Patxi Kortabarría, Jone Larrañaga **Testuen zuzenketak:** Mariipi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 29 zenbakia. 1999ko urtarrilaren 15a.

Beasain-Durangorako sarrera

Deskargako hirugarren bihurgunean egingo da

Antzuolak ere Beasain-Durango autobiarako sarrera bat izatea erabaki du Gipuzkoako Foru Aldundiak. Beasain-Durango autobia hiru proiektu aurkeztu baziren ere, ez zen aurreikusten Deskargan egingo den sarrera. Azkenean hiru proiektu horien arteko konbinazio bat onartu da eta Deskargan sarrera egitea erabaki da.

KAMIOI GUTXIAGO

Beasain-Durango autobiarari esker herritik pasatzen den errepidean askoz ere trafiko gutxiago egongo da eta horri esker kamioien zirkulazioa ere gutxitu egingo da. Dena den, eta Deskargan egingo den sarreraraino behintzat elkarrekin jotaten jarraituko dute kamioi eta autoek.

Herriko enpresetara datozen kamioiek ere Deskargan lagako dute autobia eta herritik Zumarragara doazenek, berriz, Deskargako lehenengo km-ak egin beharko dituzte. Dena den, eta 2009. urtera arte (lanak orduan hasia erabaki baitute) orain arte bezala jarraituko du denak. ■

A

ntzuolako Udalak Beasain-Durango autobia-
ren ibilbidearen berri
izan zuenetik, behin eta
berriz eskatu izan dio
Gipuzkoako Foru Aldun-

diari herrian edo inguruetan autobiarako sarrera bat egitea. Hasieran aurkeztu ziren hiru proiektuetako batek ere ez zuen honelakorik aurreikusten. Hori dela eta, Udalak alegazioak aurkeztu zituen Aldundian. Azkenean, eta onartu den laugarren proiektu bati esker, Deskargan izango du Antzuolak autobia honetarako sarrera.

Valen Moñux aparejadoreak adierazi digunez ez da sarrera osoa izango. Hau da, antzuolarrok Olamendi gaineko bihurguneraino joan beharko dugu autobian sartzeko. Dena den, erabaki hau lehen emandakoa baino hobea da herritarrentzat. Hasiera batean Bergarako Bonbulun egin behar zuten sarrera-irteera. Gauzak horrela Beasaindik etorriz gero ia Bergararaino joan beharko ginateke Antzuolara etortzeko. Erabaki berriarekin, ordea, ez dugu alferrikako biderik egin beharko. Aldundiak egun Deskargan dagoen bihurgunea konponduko du eta errepidearen gainetik joango den autobiarako sarrera egingo du puntu.



Puntu honetan egingo dute autobiarako sarrera.

■ ■ ■
Antzuolarrok Olamendi gaineko bihurguneraino
joan beharko dugu autobian sartzeko
■ ■ ■

Patxi, Madriletik Antzuolara eta Martutenera

Joan zen abenduaren 30etik Martutenen dago Patxi Olabarria antzuolara. Juana Laskurain bere amama zena-ren hileta elizkizunetara ekarri zutenetik dago han. Gauzak horrela, Antzuolako Udalak joan zen martitzenean egin zuen Udalbatzarrean, Patxi Martutenen gelditzeko eskaera onartu zuen aho batez. Horretarako kartzeletako zuzendaritzari eskutitza bidaliko diote. Dagoeneko Mikel Larrea alkateak bidali du eskutiz bat eskaera bera egiteko. Orain kartzeletako zuzendaritzak erabakiko duena ikustea bino ez da gelditzen. Patxi orain dela 168 egun kalean behar zuen, legearen arabera.

Abenduaren 30ean, Antzuolara ekarri zuten egunean, jende ugari bildu zen herriko plazan Patxi ikusteko esperantzarekin.



Patxi, Antzuolara ekarri zuten egunean.

Hileta elizkizunaren ostean antzuolar askok Patxiarekin berba egiteko parada izan zuten, baina dudarik gabe unerik zirrargarriena herritarrak agurtzera irte-

tzen laga ziotenean izan zen, argazkiak jasotzen duen unea, hain zuten ere. Une oro Ertzantzak zainduta egon zen Patxi eta eskuburdinak ipinita.

Sarriegi Taldiaren aurkezpena

Joan den abenduaren 26an egin zen Antzuolan Sarriegi Taldiaren aurkezpen ofiziala. Iker Sarriegi Rrealeko jokalariairekin batera, De Pedro, Luis Perez eta Lopez Rekarte "Bonba" txuriurdinak ere izan ziren herrian. Zinean egin zen aurkezpena eta argazkian ikusten denez, Andoitz Irimok aureskua dantzatu zion Sarriegiri Taldiaren izenean. Arrasate Bonba Taldieko kideak ere izan ziren herrian eta benetan gau luzea egin zuten taldekideek. Goizeko 8ak aldera oraindik ere baziren hainbat realzale eta bestelakoak ere alde batera eta bestera.



Inauteriak prestatzen

Dagoeneko hasi dira herriko hainbat emakume iaz bezala, inauterietan dantzatuko duten dantza ikasten.

Iaz hasi zen ekimen honetan herriko dantza taldekoak ez diren gizon eta emakumeak ari dira, jakina, dantza taldeko lagunek zuzenduta. 1998an txerri dantza egin zuten emakumeek eta gaurnekin, berriz, sorgin dantza. Emakume taldea astean birritan elkartzen da dantza ikasteko. Entseiuak, astelehen eta eguenetan izaten dira, arratsaldeko 20:30etatik aurrera.

Beraz, dantza egitea atsegin baduzue aukera ederra daukazue Maristeta lokaletan, hortxe biltzen baitira herriko dantzari "amateurrak".

Gizonezkoek ere berehala ekingi diete entseiei.

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Apainketarako eta industriarako pinturak
- Paper margoituak
- Mokatak eta tapizatuak

GOROSTI
Taberna

☎ 943 76 62 96

Zurrategi plaza ANTZUOLA


DESKARGA
AUTOAK

Antigua auzoa z/g Antzuola.
Tf. 943 76 62 75

ANTZUOLA

Apainketak eta
isolamenduak
Pladurrezko dibisioak

Kalegoi 21 ANTZUOLA
Tf.: 943 72 30 05
Billegia: 943 78 70 40

Antzuolarren Independentziaren Eguna, azkenean, urtarrilaren 16an


Bilbon egin zen manifestazioarekin bat egiteko atzeratu zuten jai eguna

Hilabeteko atzerapenarekin, baina azkenean urtarrilaren 16an ospatuko da antzuolarren Independentzia Eguna. 1629ko abenduaren 12an lortu zuen Antzuolako herriak Bergaratik banatzea. Iaz herriko hainbat taldek, Idolazek, Gazte-axeak eta Kalebarrengo Jai Batzordeak, besteak beste, antolatu zuten lehen aldiz jai egun hau. Orduan arrakasta handia izan zuen batez ere gazteen artean. Hori dela eta, aurten ere gauza bera egitea pentsatu zuten eta gazte koadrila batzuk aritu dira bigarren Antzuolarren Independentzia Eguna antolatzen.

Dena den, eta antolatzaileek abenduaren 12an ospatzea nahiago zuten arren, atzeratu egin behar izan zuten jai eguna. Urtarrilaren 9a hautatu zuten horretarako. Baina egun hau ere atzeratu egin behar izan zuten. Joan zen zapatuan Bilbon egin zen manifestazioarekin bat egin nahi izan zuten antolatzaileek. Hori dela eta, urtarrilaren 16an ospatuko da antzuolarren Independentzia Eguna. Gainera, eta aurrerantzean ere horrela izango delakoan, baserritar jantzita joatea eskatu dute antolatzaileek.

Goizean goizetik izango dira ekin-tzak. Honela goizeko 10:30etatik aurrera, txistulariek kalejira egingo dute eguna alaitzen joateko. 12:30etan Euskal Presoal Euskal Herrira lelopean kontzentrazioa izango da Zurrategiko plazan.

Ondoren, gosea egiten joateko, herri txikiteoa, txistea badirudi ere, Bergarako txaranga batek alaituta. Hori eguerdian izango da eta bazkaria, berriz, 14:00etan, pilotalekuan. Aurten ere Zaurutzeko sukaldariak arduratuko dira bazkaria gertatzeaz.



iaz baino jende gehiago espero dute antolatzaileek.

BAZKALOSTEAN

Jaialdia bazkalostean hasiko da. Jon Maia bertsolariak gain, oraintsu Bizkaiko eta Arabako txapeldun izendatu duten Igor Elortza bertsolari durangarra ere izango da pilotalekuan. Bestalde, iaz ere pilotalekuan aritu ziren eta Txiskola tele-

bistako saioan ezagunak egin ziren Orioko Gansterrek ere euren txiste eta kantutak eskaintzeko aukera izango dute. Tartean herriko trikitilari, dantzari eta txistulariak ere arituko dira.

Antolatzaileek adierazi digutenez, pilotalekuan taberna jarriko dute zapatuan. Bazkalostean bakarrik egongo da zabalik, ekitaldiek dirauten bitartean.

JAIA LUZATZEKO

Aurten antolatzaileek egun osoko egitaraua egin nahi izan dute. Hori dela eta, Triki ta Ke taldearen emanaldia antolatu dute. Arratsalde partean Zurrategiko kioskoan arituko dira eta gauean, berriz, beste emanaldi bat eskainiko dute. ■

■ ■ ■
*Baserritar jantzita
 joatea eskatu dute
 antolatzaileek*
 ■ ■ ■

igor eta Txomin

Pintura orokorrean.

Paper, tela, binilo, kortxo... estaldurak.

Gotelesa, iztukuak eta

bestelako imitazioak.

ANTZUOLA

BERGARA

☎ 943 76 60 39 ☎ 943 76 19 98

EGAÑA

Era guztietako arotz lanak

**Tarima eta parketa jartzea
 Zoruen kutxilatua eta barnizatuak**

Kalegoi 21, ANTZUOLA Tf.: 943 76 64 23

LARREA

TABERNA

Kalebarren 17
 ANTZUOLA

Gobernuz Kanpoko Erakundea herrian

Anelkar, Antzuolako elkartasun taldea, GKE sortu dute hainbat antzuolarrek

Jose Jabier San Sebastian eta Mari Kontxi Laskurain *Anelkar* taldeko bi kide dira. Eurak, beste lau lagunekin, Inma Beristain, Karmele San Sebastian, Jesus Arregi eta Jabier Etxaniz, Gobernuz Kanpoko Erakunde (GKE) hau eratu dute, herriko elkartasun ekimenak bilduz. Juan Antonio Lizarralde antzuolarra garatzen ari den proiektuetara zuzentzen dute euren laguntza. Baina horrek ez die bestelako laguntza ekimenean sartzea oztopatzen.

Antzuolako Elkartasun Taldeak ez du oraindik bere estatutuen ofizialtasuna jaso. Baina berdin da. Oraintsu herrira etorri den Iturriozko abadeari laguntzen jarraitzea da euren helbururik nagusia. Horrela diote euren estatutuek: "Hirugarren Munduan lanean diharduten antzuolarrei laguntzea euren proiektuetan, beharrezko dirua lortuz eta Antzuolako herria proiektu hauen partaide eginaz".

Jose Jabierrek gogoratzen duenez, "orain dala urte batzuk Juan Antoniori bere lanian zela konpontzen zan galdetu gontsan, eta errekurtsio gutxi eta gaizki konpontzen zala esan zoskun. Kotxiakin batera eta bestera juateko gasolinatarako dirurik ez eukitzeagaittik, lanik ezin eginda gelditzen zala. Geuk kuadrillan sakondu egin giñuan eta lehenengo ideia izan zan, hamahiru lagunon artian aportaziñuak egittia. Gero, Antzuolan egon zeikiela jentia projektuan interesaut eta, kontu korronte bat zabaldu giñuan".

Hori 1992an izan zen eta hasi zirenetik 8 milioi PTA bidali dizkiote, Brasilerara. Geroago Udalaren laguntza eskatzea

erabaki zuen lagun taldeak eta orain, herriko beste elkartasun talde batzuekin elkartzea erabaki dute. Jose Jabierrek dioenez GKE bihurtzea erabaki dute "bakoitza bere aldetik ibiltzia baiño hobe dalako batera juatia. Herri txikixa da hau eta alkartasuna zatitzen hasi ezkeru...".

Mari Kontxi Laskurain Ruandaren aldeko taldean ibili da lanean. Berak ere beharrezkotzat jotzen du elkartzea: "sentsibilizaziño aldetik zeozer egin nahi giñuan eta billera bat antolatu giñuan beste GKE batekin. Billera haren ondoren han bildu giñanak berbetan geldittu giñan eta alkarrekin jarraitzia erabaki giñuan. Dana dala, lehendik be bageunkan alkarrekin lan egin izanaren espe-

rientzia. 1994an, eta Balkanetako gerra zala eta, herriko alkartasun taldeak kurtur hamabostaldixa antolatu giñuan. GKE bezela jardutia ofizialtasun bere emotiagaittik izan zan. Gaiñera udan txian diru bat eskaintzen jakue hola erakundiei eta hori aprobetxauta, eta erulaguntza eskaera hori egin ahal izateko, GKE bihurtzia erabaki dogu".

Pare bat urte lanean aritu ondoren sortu da *Anelkar*. Kutxan irekita dute kontu korrontearen zenbakia honakoa hau da: 21010166130010189405. Bertzen den dirua Juan Antonioi jasotzen du Brasileko banketxe batean eta bertan duen guztietan herritarrei bere proiektuetaren berri ematen die. ■



Antzuolako jaietan egin zen elkartasun jai


Hirugarren Munduan lanean diharduten antzuolarrei laguntzea du helburu *Anelkar*ek

KALEGOI 19 ☎ 943 76 64 07

Tomas Gezalaga

ANTZUOLA BERGARA

- Zoruen kutxilatu eta barnizaketa •



Z Zabalo Iturgintza S.L.

Bidea eginez

Tailerra: Uzarraga bidea 10. Tf. 943 78 71 77

Erakusketa: Kalebarren 1. Tf. 943 78 71 79, Tf. eta F. 943 76 64 78

- Gasa
- Berogailuak
- Haize egokitua
- Enpresen mantenimendua
- Lurrun instalazioak

- Bero-aurrezteak
- Bainugelak. Proiektuak momentuan egiten ditugu DIBaren bidez
- Birgaitze-espeditentak bideratzen ditugu